

Broj: 03/05-23-1423/2011
Sarajevo, 07.07.2014. godine

PARLAMENT FEDERACIJE
BOSNE I HERCEGOVINE

- Predstavnički dom
gosp. Safet Softić, predsjedavajući

- Dom naroda –
~~gosp. Tomislav Martinović, predsjedavajući~~

Bosna i Hercegovina VRLO HITNO
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	09-07-2014 15 ¹⁰		
Org. jed.	Broj	Priloga	Vrijednost
02-23	-	1837/M	

Poštovani,

U skladu sa članom IV. B. 7. c) (III) Ustava Federacije Bosne i Hercegovine, a u vezi sa odredbama člana 185. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br. 69/07 i 2/08) i člana 177. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 27/03 i 21/09), dostavljam Vam **AMANDMANE VLADE FEDERACIJE BOSNE I HERCEGOVINE NA PRIJEDLOG PROSTORNOG PLANA FEDERACIJE BOSNE I HERCEGOVINE ZA PERIOD 2008. DO 2028. GODINE**, koje je Vlada Federacije Bosne i Hercegovine utvrdila na 121. sjednici, održanoj 26.06.2014. godine.

S poštovanjem,

PREMIJER
Nermin Nikšić

Prilog: Kao u tekstu

U skladu sa članom 73. stav 4. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10 i 62/10), Vlada Federacije Bosne i Hercegovine je, na 121. sjednici održanoj 26.06.2014. godine, utvrdila:

**AMANDMANE
NA PRIJEDLOG PROSTORNOG PLANA FEDERACIJE BOSNE I HERCEGOVINE ZA
PERIOD 2008. DO 2028. GODINE**

AMANDMAN I

U tekstualnom i grafičkom dijelu Prijedloga Prostornog plana Federacije Bosne i Hercegovine za period 2008. do 2028. godine tekst „za period 2008. do 2028. godine“ zamijeniti tekstem „za period od 20 godina“.

OBRAZLOŽENJE

Zakonom o prostornom planiranju i korištenju zemljišta na nivou Federacije Bosne i Hercegovine je propisano da se prostorni plan donosi za period od 20 godina.

Kako je, kroz dosadašnje aktivnosti na izradi planskih dokumenata, iskustvo da kroz proceduru donošenja odluke o pristupanju izrade planskog dokumenta, kroz proceduru izbora najpovoljnijeg ponuđača za izradu, te parlamentarnu proceduru donošenja plana prođe dulje vremensko razdoblje, na uštrb perioda za koji se planski dokument donosi, smatra se da je svrsishodnije da se u nazivu planskog dokumenta navede tekst „za period od 20 godina“, a ne tekst „za period od do“, a da isti počinje teći danom objavljivanja odluke o donošenju plana u „Službenim novinama Federacije BiH“. S tim u vezi zatraženo je mišljenje i pozitivno se očitovao Ured Vlade Federacije Bosne i Hercegovine za zakonodavstvo i usklađenost sa propisima Evropske unije.

AMANDMAN II

U tekstualnom dijelu Prijedloga Prostornog plana Federacije BiH za period 2008. - 2028. godine, u poglavlju 2. „Projekcija prostornog razvoja FBiH“, u tački 2.7. „Upravljanje otpadom“, na strani 77., iza tačke 2. „Deponija Jankovački potok...“ dodaje se tačka koja glasi „Deponija Hrgarsko polje, rejon „Karanovac“, općina Bihać, Unsko - sanski kanton. Općinsko vijeće Općine Bihać, Vlada i Skupština Unsko - sanskog kantona, usvojile su Odluku o prihvatanju lokacije za regionalnu sanitarnu deponiju Unsko - sanskog kantona-regija Bihać i Odluku o usvajanju Studije izvodljivosti sa Dodatkom Studije izvodljivosti za regionalnu sanitarnu deponiju Unsko - sanskog kantona - regija Bihać“.

AMANDMAN III

U grafičkom dijelu Prijedloga Prostornog plana Federacije BiH za period 2008. - 2028. godine, „Sintezni prikaz korištenja prostora u planskom periodu s razvojem prostornih sistema“ iz područja posebnog obilježja Federacije BiH zaštićenog područja planine Grmeč, u graničnom području izuzima se lokalitet „Hrgarsko polje“, rejon Karanovac, na kojem je planirana izgradnja regionalnog centra za upravljanje otpadom.

OBRAZLOŽENJE ZA AMANDMANE II i III

Prijedlogom Prostornog plana Federacije BiH za period 2008 - 2028 godine predložene su dvije lokacije za izgradnju regionalne deponije na području Unsko - sanskog kantona —regija Bihać i to:

- deponija „Grabež“ (izmještena lokacija k.o. Čekrlje), općina Bihać
- deponija „Jankovački potok“, općina Bihać.

Međutim nakon usvajanja Prijedloga Prostornog plana Federacije Bosne i Hercegovine za period 2008. - 2028. godine od strane Vlade Federacije Bosne i Hercegovine, Općinsko vijeće Općine Bihać usvojilo je Odluku o prihvatanju lokacije za regionalnu sanitarnu deponiju Unsko - sanskog kantona - regija Bihać i Odluku o usvajanju Studije izvodljivosti sa Dodatkom Studije izvodljivosti za regionalnu sanitarnu deponiju Unsko - sanskog kantona - regija Bihać.

Također, Vlada i Skupština Unsko - sanskog kantona usvojile su Odluku o prihvatanju lokacije za regionalnu sanitarnu deponiju Unsko - sanskog kantona - regija Bihać i Odluku o usvajanju Studije izvodljivosti sa Dodatkom Studije izvodljivosti za regionalnu sanitarnu deponiju Unsko - sanskog kantona - regija Bihać.

Predmetnim Odlukama kako Općine Bihać, Vlade Unsko-sanskog kantona tako i Skupštine Unsko - sanskog kantona, kao nova lokacija regionalne sanitarne deponije Unsko - sanskog kantona - regije Bihać, utvrđena je je lokacija „Hrgarsko polje“, rejon Karanovac.

Međutim, prijedlogom Prostornog plana Federacije Bosne i Hercegovine za period 2008.- 2028. godina, područje nove lokacije regionalne sanitarne deponije nalazi se u zaštićenom području planine Grmeč, i to na rubnom dijelu iste.

Kako do sada nije bilo problema oko zahtjeva za izuzimanje jednog dijela zemljišta iz zaštićenog područja, a što je bilo u slučaju izrade Prostornog plana područja posebnih obilježja od značaja za Federaciju Bosne i Hercegovine „Sliv rijeke Une“ za period od 2007. - 2027. godine, te je izuzet jedan dio iz zaštićenog područja Nacionalnog parka „Una“, smatramo da ni sad nema zapreka za amandmansko djelovanje, pogotovo zato što se vrši izuzimanje rubnog dijela zaštićenog područja Grmeč, a ne stvaranje enklave u istom.

Sa druge strane, uzimajući u obzir da se radi o projektu uspostave regionalne sanitarne deponije koja ima za cilj dugoročno riješiti problem upravljanja čvrstim otpadom na području svih osam općina Unsko-sanskog kantona i općine Drvar iz Livanjskog kantona, čime ovaj projekat ima ne samo kantonalni već i regionalni, odnosno federalni značaj, i čiji proces uspostave traje više od 10 godina upravo zbog ne postojanja konsenzusa vezano za lokaciju regionalne sanitarne deponije, smatramo da je od posebnog značajna činjenica da se konačno došlo do zajedničke odluke općinskog i kantonalnog nivoa vlasti po pitanju rješavanja ovog problema. Posebno ističemo, ukoliko se ne bi uvažila ova činjenica, odnosno ne bi udovoljilo ovom zahtjevu, cijeli ovaj proces bi se zaustavio i vratio na početak, čime bi se

produžila agonija cca. 300.000 stanovnika koji žive na ovom području. Rješavanje uspostave regionalne sanitarne deponije, nije problem koji treba posmatrati samo sa zdravstvenog ili ekološkog aspekta, već i sa aspekta razvoja turizma i privrede i uopće održivog razvoja Unsko-sanskog kantona i regije Bihać.

Stoga, a posebno cijeneći činjenicu da su Ministarstvo za građenje, prostorno uređenje i zaštitu okoliša Unsko - sanskog kantona, Vlada i Skupština Unsko - sanskog kantona, kao i Općina Bihać uložili velike napore da se prihvati nova lokacija regionalne sanitarne deponije „Hrgarsko polje“, rejon Karanovac, smatramo opravdanim usvajanje predloženih amandmana, kako bi se nova lokacija Regionalne sanitarne deponije „Hrgarsko polje“, rejon Karanovac uvrstila u Prostorni plan Federacije Bosne i Hercegovine za period 2008. - 2028. godina.

V. broj: *Bo3* /2014
26.06.2014. godine
Sarajevo

